

Хানты ясайд

4 октября 2018 года
№ 19 (3511)

www.khanty-yasang.ru

Основана 1 ноября 1957 года

Касум мүвн шуши мир ёктаждыт



И. Самсонова вёрум хур

Касум мүвн вэлты вэна пелка ювум имендэн Людмила Кондрашина (Гындышева) па Валентина Багишева (Рубахова). Мүвтэл мир вэна пелка ювум ёх емәнхэдтэй тэгээдэд вэн хүйтэта тэлан вэлупсы лэнхалдв, уяна-пищэнца елды вэлты, няврэмэтийн давалман па сэмэнца ат тайлдайт!

Лыпят хойты тылдыш 26-28-мит хэтдэти Нуви сэнхум воши «Коренные народы. Окружающая среда. Нефть. Закон» нэмуп вэн мирхот мэнэс.

Тыв Сүмэйвош, Манстэр, Ёмвош, Сэрханл, Нефтеюганской, Нижневартовской районэт, Ямал, Саха (Якутия) па Красноярской мүвтэл эвэлт сот мултас хэннэхэ юхтыдас. Щит шуши тэхетн вэлты па вэлэл давалты увас мирлув, округ луваттын мүв-автэл вэрэлт тэты кэшайт, увас мир вэрэлт тэты хуятаат, Югра дума депутатат, правительства кэшайт, округ хуваттын хэннэхэ вэлупсы вэрэлт вантман тайты ух не Наталья Стреккова па Саха (Якутия) мүв шуши мир вэлупсы вэнэльты кэща хэ Константин Роббек па па хуятаат. Хэлдум хэйтл мэр лыв экономика, шуши мир вэлупсы, культура, рэт ясайд па па вэрэлт одёнэн путэртэд, па щи тумпийн уша вэрты вуратд, муйсэр ям вэрэта лывела елды күншемэти мосл. Мет сырья шуши тэхетн вэлты хотац ёх шенц лэнхасд шуши вэрты, муй ширн мүв илди пити вуй па газ вүты компанийт вой-хүл ёша паватты, вэлды таш давалты хотац ёха нётлдайт. Муя и тэхийн мүв вуй вүты кэшайт яма рэпитдайт па итэх тэхетн хотац мира нётупсы ёрн кэншты мосл.

Одёндит хэйтлн мирхота юхтум мойц мир Касум мүвтэл тэтылясийт. Амня вош иис пурмэдэд тайты хэрн өмэш яхжот ванлтасы, лыв шуши мир лятууд тайлан лапатдыйт па сыр-сыр юнтац кэсупсэд дэшдэгийт.

Ирина САМСОНОВА

Сирия мүв муфтий Югра мүвн вәс

Мәнум тыдашын Ёмвош округева па хон пеләк Сирия мүв Верховной муфтий Ахмад Бадред-Дин Хассун юхтылдас. Лўв Сәрханл вошн Соборной мечеть хуши Тәрума эвәлтү ёх, кәща хуяттәт, айлат мир пида вәйтантылдас.

Мосл лупты, Югра мүввев кәща не Наталья Комарова тәм одн кät пүш лўв пиләда вәйтантылдас, Сирия мүвн па Москва вошн. Диң кашашты непек хәншәнән, дән елды күтәлн яма рәпитетты.

Сирия мүв муфтий путәртәс, муйсәр ям вәрәт Россия мүввев вәрәс Сирияйн даљ вәлум пурайн, лўв вән пәмашипа ясән ястәс Россия мүввевн вәлты иса хуятта. Лупәс, хуты даљ дәштәт щи ёх, хуйтә Чечня, Афганистан, Ливия, Украина мүвәтн далят вәрсәт. Диң пушканәт вәрләт па ләнхадат иса мир пелә кәщая йиты. Россия мүв илпү питы вүй па сорни тайл, тата арсыр мүвәтт

айлат ёх ияха күтәлн дәхсәнә вәлдәт, щит мәт вән таш Россия мүв пәтта.

Ахмад Бадред-Дин Хассун хә ясәндал щирн, мүв хүввәттүйн арсыр религияйт вәлдәт, тәп ѡн мосл щиттәт күтәлн кәншты арсыр хурасуп вәрәт. Мосл и хурасуп ут шивалятты, вантә, иса мир Адам па Ева эвәлт түвсәт. Щирн мосл күтәлн дәхсәнә па яма вәлты.

Щи хә лупәс, Сирия мүвн иис пурә вүш эвәлт арсыр религия тайты ёх вәсәт, лыв күтәлн иши дәхсәнә па яма и вәр тәсәт. Тәп западной мүвәт щимәш вәлупсы иира вүты ләнхадат.

Ёмвош имам хә Рустам Хазрат лупәс, ху-



Ахмад Бадред-Дин Хассун па Наталья Комарова

admhmao.ru/евадтвумхур

ты ләнхадат Югра мүв эвәлт айлат ёх Сирия мүвә китты, щита лыв религиозной щирн ат вәнләттәлдәт. Сирия мүв муфтий ястәс, иса ёх яма вәйтантыйләт питләт па иса мосты вәрәта вәнләттәлдәт.

Ахмад Бадред-Дин Хассун айлат хуятта па иса мирева лупәс, интернет хүват религия вәрәт оләнән хәләнттә ѣн рәхл. Атум вәлупсы тәтү ёх интернет

нет хүват айлат ёх кәншләт, елды лывела Ислам, ям вәлупсы оләнән путәртләт. Щи ёх хәләнттә ѣн мосл. Щит пәтты ин айлат ёх вәрәт тәса вантман тайты мосл, дән атум вера ѣнт эвәлдәт.

**«Открытый регион»
тәхи непекат
посн хәншәс
Надежда
НОВЫХОВА**

Вәлты хотат мәтү вәрәт оләнән

Тәм ванән Ёмвошн кәща ёх мирхота їктә-шийләт. Щита путәртсәт, хутыса Ёмвош округевн «Обеспечение доступным и комфортным жильём жителей Ханты-Мансийского автономного округа – Югры в 2018-2025 годах и на период до 2030 года» поступсы рәпитетл. Округ иса районат кәща ёх видео щирн иши щи мирхотн вәсәт.

Хотат омәсты вәрәт тәтү департамент кәща хә **Андрей Кривуляк** ясәндал щирн, щи вәр пәтта 2018-мит одн 17

356 238,7 щураш шойт вух мәсү. Лўв лупәс, хуты тәм одн и квадратной метра хот тынәл айшашка иис. Округевн аршак

аренданой хот омәссы. Ин Ёмвошн кät щимәш хот вәл, Сәрханл вошн – кät, Нефтеюганск вошн – ит.

Мосл лупты, щи поступсы унтасн 2012-мит од Ас хәлтү тыләш вүш эвәлт тәм од лыпәт хойты тыләш вәнты округ хүввәттүйн 6100 балок хот нух вүсы. Щиты сырьы балокатн вәлум 18795 хуят ин ям хотатн вәлдәт.

Ипотечное агентство Югры тәхи кәща хә **Евгений Чепель** лупәс, 2018-мит одн округевн айлат семьяята субсидия вух мәтү вәра 2 миллиард шойт мәсү, шуши хуятта нётупсы вух мәтү щира 500 миллион шойт вух мәнәс. Щирн тәм одн сырьы киньши ар-

шак айлат па шуши хәннәхә субсидия вухэт унтасн йилуп хот ләтсәт па ямашак вәлты питсәт.

Щалта Югра мүв оса тәхи эксперт хә **Александр Тарасенко** ясәндал эвәлт уша иис, округевн ин вәнты ар мир катра па вевтам хотатн вәлдәт. Итәх катра хотат ин вәнты аварийной нем ѣн тайләт, щирн мир па ар од мәр щита вәлты питләт. Итәх хотат йилдатты щира непека хәншыйт, щи юпийн лыв «ветхое и аварийное жильё» непек эвәлт иира вүлдыйт. Щиты мир елды катра хотатн вәлты хәшдәт.

А. Тарасенко лупәс, щи вәр тәса вантман тайты мосл.

Надежда РАГИМОВА



admhmao.ru/евадтвумхур

Няврәмәт ашколая мәнсәт

Галина Павловна Лаптева – хәнты ими, ар од няврәмәт вәнләтуман вәл.

Кашаң од лүң-сус пурайн лўв тухләң хопн Лянтор вош пүңәлән вәлты вўт кәртәт эвәлт няврәмәт ёккәнти яңхәл. Хәнты эвиет, пухиет Г.П. Лаптева шенк мосман тайдат.

Галина Павловна, няврәмәт вәнләтәты ёх емәңхәтл пила! Вәнләтйилты вөр пелы сәмән няврәмәт нәңена! Вән пәмашипа нәң мосты рәпатаен пәта!

Людмила СПИРЯКОВА



Г. Лаптева китум хур

Тухләң хопн

Машинайтн яңхты суртат одәңән путәртсәт

Васы мәнты тыләш 2-митн Ёмвоши вән кәшайт ёктәшсәт, дәлн машинайт яңхты вәрәт одәңән поступсәт, нүшайт одәңән путәртты.

Мирхот округ дума экономической вәрәт тәты комитет кәща хә **Сергей Великий** тәс.

Юра мүв ГБДД тәхи кәща хә **Максим Глушков** лупац, интәм округев хүвваттыйн шенк сора па юврая яңхты машинайт вантман тайты пәта 238 нәмасия тәхи омәссы, дәлн щата щи машинайт хурат вўты, елды щи хәя штраф вух пунты. Машинайтн юврая яңхты пәта мир штраф вухн пунсыйт,

иляха лўнгатты ки – щит 284 миллион шойт вух, щи эвәлт 90 миллион шойт бюджета мәнсә.

Елды путәртәс, хуты округевн айтеди няврәмәт кев ёш шәпи тўча яңхты пәта нәмасия вәрәт дәштәтлыйт. Щи тумпи од мәр машинайтн яңхты ёх пәта «Вантман таялн! Няврәмәт!», «Аңкет-ащет вантман тайлät, хутыса эвет-пухат кев ёш шәпи яңхлät», «Велосипедист, тўча яңха!» па па вәрәт. Иляха лўнгатты ки – сот

шурәс мултас хуят щи вәрәта вәнләтүлдäс.

2018-мит одн машинайтн яңхты щира йилуп поступсәт одәңән арсыр газетайтн, телевизор хуват хәс щурәс пўш айкелат хәншыйт па путәртсыйт.

Округ мир ямәлты вәрәт тәты департамент кәща хә **Алексей Добровольский** лупац, тәм од нивд тыләш мәр ёштн 935 авария вөр вәс, щит тәньял од киньщи 16 процент арат шималшäк. Щи пурайн 1 297 хуят мәшәнца йисäт, лыв күтэдн 179 няврәм. 82 хуят ўнтәма йисäт, щи эвәлт вет эви-пух. Мәшиитум ёха сора нётты щира вән па ай тохтурат пәта нәмасия 47 вәнләтәти хар ләштäс.

Машинайт яңхты кев ёш вантман тайты тәхи кәща хә **Сергей Аксёнов** ай тәс, тәм одн округев хүвваттыйн 178 километра кев ёш йилпатсы, сүс-тäl вәнты 228 километра кев

ёш йилпатты хäшäс.

Округ дума депутат, хәнты хә **Александр Новьюхов** мүңева айкел тәс: «Тәм одн хәнтәт, вухадят па юрнат мүң депутатлўва вохты непект китсäт. Хәншайт, хуты ямарат од юхлы буранән яңхты пәта нәмасия вәнләтйилты па удостоверение непек тайты мосл. Ин шуши ёх дыв вухдал унтасн ванән вәлты вошата вәнләтйилты яңхлät. Щирн мүң депутатлўв пила хәншлўв, «Социально-экономическое развитие коренных народов Севера Ханты-Мансийского автономного округа – Югры» поступсия па вух ат майды. Щи вух унтасн шуши ёхлўв ван вошата юхтыйлты питдät, мосты арат хәтл вәлты па вәнләтйилты. Щи унтасн удостоверение непек дәштäтти пакдäт».

Мирхот юпийн кәшайт хәншайт, муйсäр вәрәт худна тўнматты мосл.

Людмила ШУЛЬГИНА



Л. Спирякова/верумхур

Корлики кәртән хә
Алексей Фёдорович Каткалев

Няврэмт лўнҹан щиты рўтьщасат

Ёмвоши РИЦ «Югра» немпи тাখийн айкед хәншты ёх пида вэйтантупсы вәс. Щата уша йис, муй иты лўнҹан няврэмт рўтьщасат.

Вәнләтүйлтү вэрят тәты департамент хуша кәща юканы вәлтү ими Снежана Возняк лупас:

— Няврэмт рўтьщасаты па ямәлтүйлтү вэр тәдан ол мүн дәштәлүв. Мет ар эви па пух лўнҹан рўтьщасаты тәхета тәтъялдүв. Тәм ол Югра мүвн вәлтү няврэмт эвәлт 75 щурас мултас эвет па пухат арсыр тәхета яңхасат. Па хон пеләк хошум мүвбата 350 айлат хуят тәтъясыйт. Ёмвош округн 51 щурас 985 няврэм лўн мәр рўтьщасат. Россия мүв луваттыйн 22 щурас 704 ай ёх ямәлтүйлсат. Тәм ол тәнәяд киньща и щурас хәт сот кем аршак няврэм рўтьщасат.

Ай ёх лекшилдүйлтү кеша 2018-мит одн кät миллиард вух ёслыилса, щи күтн 1,2 миллиард арат вух лўн мәр няврэмт ямәлтүйлтү вेरа мәнәс. Вәлупсы давәрт сурга питум эвет па пухат лўн мәр рўтьщасаты тәтъясыйт. Ай ёх лўнҹан яма вәлтү веरят әхтыйн 572 тәхи рәпитет. Арл пеләк шит хәтл мәр няврэмт тайтты уттат. Щалта шенкәмаш айлат хуятата пәршан хотаң па рәпитеты тәхетн вәлтү. Югра мүвн тәм ол 56 палаточной тәхи па 32 рәпаратайт ут ай хуятат кеша дәштәйлдүйлтү. Щи тумпи йис пурмасат шавиты хотаң, ўшколайта ай төпиет лўн мәр яңхасат. Оса рәпитеты тәхет няврэм рўтьщасаты веरятн яма нётты питсат. Лыв Ёмвош округ луваттыйн 16 районатн эвет па пухат рўтьщасаты веर ләштасат.

Елды культура веरят тәты департамент хуша

рәпитеты не Наталия Михайлова ай павтас:

— Тәм ол айлат ёх лўн мәр вәлтү веरят мүн арсыр оса тәхет пида дәштасув. Щиты Нуви сәнхум районан Амня вош пүнҹан Нярса кәртән «Ильбигорская» немуп общинайн рәпитеты ёх няврэмт лўн тыйлшат вәлтү кеша хәр дәштәйлсат. Тәта эвет па пухат хәнты ясән, пупи якты йис емәнхәтл нух вәнләтсат. Щалта няврэмт рәт ясәнән ай кина шәпәт веरты вәнләтсайт. Щи тумпи ай ёх тунты эвәлт воңщапт, йиндәт па па уттат ёнтасат. Эвет сәк кәрәтты веरят уша веरсат. Айлат хуятат нарасьюх юнты вәнләтсайт. Тәта кашаң ол няврэмт йис хәнтэт вәлупсы уша веरләт. Щалта тәм ол мет одән пүш нумсән няврэмт Тюменской мүва рўтьщасаты тәтъялдүв. Лыв щита олюпән хур хәншты, якты па ариты вәнләтәйлсат. Тәм пүш Округ творчества хотн няврэмт рўтьщасаты хәр дәштәтман вәс. Щата эвет па пухат йис хәнтэт, вухалят па рүш мир вәлупсы уша веरсат. Лыв щив хәтл мәра яңхийлсат.

Спорт веरят тәты департамент хуша рәпитеты ими Софья Конух лупас:

— Няврэмт лекшилдүйлтү па рўтьщасаты кеша мүн Югра мүв районат пида рәпитетсув. Кашаң вошн эвет па пухат мәтләя вәлтү кеша хәрәт дәштәйлдүв. Иса 258 тәхи төпиет патта лўн мәр рәпитет. Щалта кашаң хот хонәнҹан ләнҹалдүв «ГТО в каждый



Амня вош пүнҹан Нярса кәртән няврэмт рўтьщасат

Интернет эвәйт вүтом хур

двор» немуп ут веरты. Щимаш рәпата унтаси аршак няврэм тәдана па яма єнумты па вәлтү питләт. Мосл лупты, нял щурас мултас эви па пух Крым па Краснодарской мүвбатн рўтьщасат. Щалта Анапа вошн 552 ай хуят вәс. Лыв худыеева яма вәнләтәйлсат.

Щи юпийн мир эктәшум хотн социальном веरят тәты тәхи кеша ләнҹар не Тереза Пономарёва ай тәс:

— Югра мүв социальной веरят тәты департамент ол лўнта ай ёх рўтьщасаты па ямәлтүйлтү суртәт дәштәйлд. Тәм ол 33 тәхийн няврэмт вәсат па щадта кät щурас 950 хуят рўтьщас. Мүн арсыр нүша тайты хоттәл ёх хуша єнумты няврэмтат лўнҹан нётсув ямәлтүйлтү. Щит аңқидал, аңқидал шимл тыйдәш вух вүты семьяйт эвалт няврэмт, давәрт мәшән мәшиштү төпиет, шәкашты эвет па пухат па хәнты, вухалъ айлат ёх. И щурас мултас няврэм хошум мүвбата яңхас.

Югра мүв лекшилдүйлтү веरят тәты тәхийн рәпитеты ими Софья Яковенко:

— Дўнҹан няврэмт рўтьщасаты мәр иса тохтуратн вантыйлман тайдайт. Тәм ол ай ёх пида 582 ай тохтур рәпитет. Иса 49 щурас арат айлат хуят ямәлтүйлсат. Щалта па мүвбата па вошта мәнылум 21 щурас арат няврэм тохтуратн нух вантсайт. Щи тумпи «Развитие здравоохранения Югры» немуп поступсы хуват «Аңки па пушхие» лекшилдүйлтү кеша и щурас 300 ут дәтыйлсув. Щимаш веर хуват 475 хоттәл ёх рўтьщас.

Мирхот етшаты дәнни Ёмвош округн вәнләтүйлтү веरят тәты департамент хуша кәща юкан вәлтү ими Снежана Возняк нёхмас:

— Йилуп 2019-мит одн эвет па пухат лўн мәр рўтьщасаты веर сертификат щирн дәштәлдә. Тәм веर питләв Нижневартовск вошн веरты. Щалта яма вәнләтүйлтү, арсыр веरятн каркама вәлтү няврэмт кеша «Югорский сириус» немуп ут дәштәлдүв. Тәмаш утэв Ёмвош округ луваттыйн веरты питләв.

Ульяна
МОЛДАНОВА



Интернет эвэлттүүлүк хурнайын

Емәнхätлät па етнхотät вөрты ёх мирхот

Лыптэй хойты тылдäц 20-21-мит хätлдäнэн Ёмвоши округ хүвättыйн арсыр мирät творчества вөртэй тэты хоти Югра мүв луваттыйн вэлтүү кэртäтн па вошäтн культура тäхетн рэпитты сот мултас хуят мирхота ёктäшсүү. Щиты кät хätл мäр Нуви сäңхум, Сүмäтвош, Манстэр, Советской, Кондинской, Нижневартовской, Нефтеюганской, Сэрханл па Ёмвоши районат, Сэрханл, Нефтеюганск, Нижневартовск, Даңкыпос, Мегион, Ёмвош, Когалым, Покачи, Радужный, Югорск вошäт эвэлт юхтум мир күлуптäн дэштүтум вөрлädлөлдөн айкел тэсät.

Мосл ястайты, там мирхот кашäн ол дэштäлти. Ияха ёкмум күлуп рэпатнекät күтэлдн путäртлät па вэнлтäлти, муй ширн сыр-сыр емәнхätлät, етнхотät па арсыр вэйтантупсээт өмшүү па хурамäна вөрты рäхл, лэлдн алд хуятт щив исанух амтäтман ат яңхäт. Кашäн ол культура вөртэй эхтäйн рэпитты ёх Югра мүвн 60 щураскем арсыр емәнхätлät, етнхотät дэштäйлдäт. Ияха лўнгäтти ки, ол мäр вет миллион мултас хäиннехэ күлупайта муй культура хотäта өмäш вөртэй вантты яңхäт. Нявремёт кеша 25 щураскем арсыр вэйтантупсээт, юнтäн хäрät па етнхотät вөртäлдайт.

Интäм вэнлтäтты хäр Россия мүв президент ики партупсы ширн, щит «Арсыр мирät культура

вөртэй» нэмн пунсы. Мирхот пүншум пурайн Югра мүв луваттыйн культура вөртэй вантман тäйтү тäхикäща не **Надежда Казначеева** ёктäшум мир ешалт вүща яснäт лупäс. Дёв ширэлдн, культурной вэйтантупсээт, өмäш емәнхätлät, етнхотät ал хäиннехэ мäreсем дэштäл. Күлуптäн рэпитты ёх ар ёр пундлät, лэлдн кашäн емәнхätл өмшүү па амтäнца ат тывäс. Щит пäта тäмäш рэпата мireva вэра мосл. Щäлта кäща не ястас, хуты округев культуры тäхи вөртэй тэты департамент иса пурайн нëтты па арсыр унтас тэты вөритäл, тэп щит олдäн айкел вөрты мосл.

Рäхл лупты, «Методические дни» нэмпи вэйтантупсээт нэмасия дэштäтсүү, вантэ, ияха кеншäк йис пакультурной вөртэй, сыр-сыр

лавäрт суртät түнматтүү, күтэлдн вэнлтäйлдтүү па уша вөрты, хутыса мет өмшүү па кашäн пурайн арсыр ширн емәнхätлät па етнхотät постäт.

Елды Ёмвоши округ творчества хот кäща ими **Елена Исламуратова**, педагогической наукайт доктор ики Виктор Банников па па кäщайт ясäн вүйлясät па лänхасäт, лэлдн творчества хотäтн рэпитты ёх ишити сämäнца, өмшүү па хурамäна кашäн емәнхätл ат дэштäтсäт.

Щи юпийн шуши мирийис вөртэй лылнуултäтты кеши сыр-сыр увас ёх «Емәнхätлät дэштäтты вөр» нэмип кäсupsыйн нух питум күлуптäн рэпатнекät ишäк непекäтн па тынäн мойлупсээн катлуптäсийт. Щиты «Октябрь» нэмпи Ёмвоши культура хот I-мит степень лауреата йис.

II-мит степень лауреат нэм «Нефтяник» нэмпи культура вөртэй тэты тäхия мäсүү. III-мит степень лауреат «Сибирь» нэмип Советской район культуры хота катлуптäсүү. Елды атэлт хуятт мойлдäсийт, дыв иши округ луваттыйн культура вөртэй тэты ёх күтн кäссät – шуши мир емәнхätл вантлätтүү па дэштäтти ширн мет өмäш проект хäншäт. Вантэ, мойн хуятт тэм ёхлүв хүвättүү сыр-сыр емәнхätлät дэштäтти ширт уша павäтти вөритäт.

Кимит хätлдн емәнхätлät па етнхотät дэштäтти ёх ишити арсыр культурной вөртэй олдäн непекäт лүнгäтсäт. Щи күтн хäнты па вухаль якäта вэнлтäтти хäр вэс. Тäта Югра мүв луваттыйн культура вөртэй тэса вэты хуты нэм тäйтү, йис якäта вэнлтäтти хäнты ими па оса рэпата тэты не Фаина Иштимирова вантлäс, хутыса тэса па хурамäна Ас-угорской якäт якты мосл.

Ирина
САМСОНОВА

Вәлупсөм мәр арсыр рәпатайт вәрсум

Щиты Корлики кәртәң ими Анна Константиновна Могульчина лупас. Дүв ин пенсияйн вәл. Дүв пилдә шенк әмәш путәртты вәс, вантэ, катра вәлупсы вәлдә.

Тәм хәнты ими Вах юхан хәнты кәт рәтнән эвәлт, ащел щирн – Прасина, әңкел щирн – Каткаева.

Мәт сырьы Анна Константиновна кәртәл оләнән ай тәс: «Сыры Корлики кәртәң юрн мир вәс. Щадта тыв хәнтэт юхәтсәт, далясман юрн мир па тәхия вошатсәт. Тәм ванән икәм кәрт дәпн и тәхи шивалдәс. Щадта вәра катра нәләт вәлдәт. Пирәш ёх лупдәт, щадта, неш, порыдаты тәхи вәс. Щадта юрн мир веккеси тәка лупсәт, нәмәлт пурайн тыв ўн көрдәт, па лыв тәм тәхи мүлдәл.

1970-мит одн Корлики кәртә тәрум вантты рәпата тәты ай юрн нә юхтәс. Еша вәс, щадта вәра мәшиитти питәс. Юхи тәсү, щадта ѡнтәма йис. Шенк шәль, дүв сәмәң па ям нәсия вәс.

Корлики кәртәв кәттәт мултас ода йис. Сыры и-кәт-хәлум хот вәс, щадта айлтыева ай кәртә йис. Йистедн Корлики кәртәң хәлум хәнты рәт вәс, щит Прасинат, Күнинат па Каткалеват. Щадта айлтыева тыв Могульчинат, Хохлянкинат па Сигильетоват юхатсәт.

Нәмдәм, советской дащ пурайн тәта мисат, доват тәйсыйт. Доватн вәнт эвәлт павартат тәсыйт. 1940-1950-мит одатн мүн кәртәвн омсум хотат



А.К. Могульчина

худна вәлдәт. Вантэ, щи пурайн хот омәсты пәта ям юх пириты хошсәт. Щи пурайн тыв па мүвәт эвәлт мүн увас мүвәва наратамлы мир китсыйт, лыв пидәла ин вәнты яма па дәхсәна вәллүв.

Ащем Константин Прасин – Корлики кәртәң ики вәс. Дүв да-пәт яй тәйс, хуйтат Бу-даң Отечественной даълын даляссәт, щадта ѡнтәма йисат.

Анна Константиновна вән кәртәләш 5-мит хәтлән 1951-мит одн сәма питәс, тәп паспорт нәпек ми юм пурайн юврая хәншыс – лыпәт өнүмтү тыләш 12-митн. Анна Корлики кәртән нял класс вәнты вәнләтүләс, Ларъяк кәртән нивл класс етшуптәс. Щи юпийн имухты рәпитеттә однитәс. Хәлум-нял од мис пәстү нәса вәс. Икия мәнәс, икел нәмл Владимир Константинович Могульчин. Яха дүв вүт кәртәла вәлтү мәнсәнән. Нял од щүньяна вәсат, тәп икел кашиты питәс па ѡнтәма йис.

Әхәт Анна Констан-

дапәт мәр нәмасыя лекщиктүм. Тәп и нүша – итәх пурайн пәльницаевн мосты пуртәнәт ѡнтәмәт. Эвем Нижневартовск вош эвәлт китл ки, да-пәт мәр пәльницайн ямәлдүм».

А.К. Могульчина Корлики кәртәң вәлупсы оләнән еша путәртәс. Лупл, хуты щив дәтүт тухләң хопн тә-лы, щирн вәра тынән. Ям, дүв картәпка па арсыр овоцтән єнмәлтыйл, Слава пухл хүл ведпәсләл. Щи эвәлт хәнты ими сопас вәрд.

Анна Константиновна икел пила тәм ванән йилуп хота кас-дәс, лупл, хуты хотн тәл пурайн хошум, хәтл мәр кәт пүш кәр аял. Корлики юхан хонәнән А.К. Могульчина катра хотл вәл, щадта Слава пухл имел па кәт няврәмәл пила вәл. И эви айтедн мәшиитл.

Щи түмпи тәм хәнты ими вүт кәртәла яңхәл, пухәл пила вүләт лав-ләл. Вүт кәртәл тәйтатл пәта еша вүх нәтүпсы вантәл, од мәр сот литра түтъинцән мәлә, щадта «Буран», «Ямаха» нәмуп мотор, түтъюх сәвәртү ут лавәлман нәмасыя очредян хәншман вәл.

Ешак Анна Константиновна, вәна пелка ювум ёх емәнхәтл пила! Ар ям яснәт луптү ләң-халум. Әл мәшиита, тә-ланә ёш, тәланә күр, нәң вүлдә тәщен ат єнмәл, вәна йил! Нәң пухен, менен па хилыдан на-нена ат нәтләт.

Людмила
СПИРЯКОВА
хәншәс па хур вәрәс

«Югра лылнуптаты» тা�хи 20 ода йис

Ёмвош округи вэйтдор тылдыш 10-мит хэтэлдн 1989-мит одн «Югра лылнуптаты» оса тা�хи шуши мир вэрсэт. Их тэмхэтд щив луцман хэдүм щурас мултас хэннөхөн вэл. Югра мув дуваттын вошатн 23 тэмштэй тахи рэпитл.

«Югра лылнуптаты» тахия вүлдээ давадлан вэлти мир оса «Союз оленеводов» нэмуп ут, ёнтасы, шүкштэй ёх оса тахи, нэптэл вэна юум хуягт «Совет старейшин» нэмуп ут па наварты, хэхэлтэй вэртэй елдээ тэты «Федерация этноспорта Югры» нэмуп тахи луцман вэлдэйт. Лыпэйт хойты тылдыш 29-мит хэтэлдн Лангепас вошн «Югра лылнуптаты» оса тахи 20 ода йис. Тэм тахийн ар ол мэр кэшэй Маргарита Филипповна Заяц (Конева) рэпитл. Дэв лупас:

— Лангепас вошн 1998-мит одн тэндуп тылдышн ашколайн нявремэт вэндтэты нэ Майна Ефимовна Шесталова хэнтэт, вухадят яха ёкайтсэлдээ. Мирхотн дэв мүнчева лупас: «Мосл оса тахи



Арсыр мир емэнхэтл шурайн

верты мүн шуши мирев кеша. Щата ванкүтлы вэйтантыйлты питлүв, рэт ясцэн пүтэртты». Щирн кэшэй мирн Майна Ефимовна Шесталова пириса. Дэв ол мянум юпийн Ёмвоша вэлти мянэс. Щирн кэшэй Лангепас вошан ёхн ма пирисаюм. Тэм тахийн 19 ол ма рэпитлум.

Мүн арсыр хэннэхэйт күтн хэнты мирев йис вэртэй елдээ тэлдүв. Ашколайтн пүтэртлүв, муй вурн увас мүнч ар ол шуши мирят вэлдэйт. Нявремэт ванлтэлдүв, муй иты хурамаца хэнтэт хошдат шүкштэй, сэж кэрттэй. Щи тумпи йис пурмасэт шавиты хот пүнчлэн камэн вош күтупн мүн

хэнты мир кэрт тайллүв. Щата худьева вэйтантупсылдүв дэштэлдэлдүв. Кэртэвн лупас, нюки хот, нурмайт, нянь кэр па па пурмасэт тайлдүв. Иса Лангепас вошн 120 мултас шуши мир вэл. Дэв худьева «Югра лылнуптаты» тахия луцман вэлдэйт. Күтэвэн мүн яма вэллүв, ванкүтлы вэйтантыйллүв, сыр-сыр емэнхэтлэйт вэрэнтлүв. Щалта ма Лангепас вош кэшэй рэпиттэй тахия луцман вэлдлум. Щи пята шуши мир эхтэйн мудты вэр питдэки, имухты кэшайтн ясцев хэлдээ. Хэнты мирев тата «Ганжеево» нэмуп обшина тайлдэйт. Щата кэшэй Александр Вячеславович Ковалёв рэпитл. Дэв вой-хүд ведпэслэдэйт, арсыр вонышумутэт ёкайтдэйт. Тэмити арсыр мир күтн Дацки вошн хэнтэт вэлдэйт.

Лыпэйт хойты тылдыш 29-мит хэтэлдн Дацки вошн вэлти увас мир алдажаа йис пурмасэт шавиты хота хэнты мир кэртэй ёкайтштэй питсэт. Тата, вантэ, «Югра лылнуптаты» тахи хэс ода юум вер постэлти. Мир акмум харн олён ясцэн Дацки

вошн культура вэртэй тэты кэшэ хэ **Сергей Александрович Бобров** тэс:

— Тэм вошн 20 ол мэр увас мир вэртэй эхтэйн «Югра лылнуптаты» тахи ёх рэпитлэйт. Дэв арсыр хуягтэй күтн рэт ясцел, ёнтасы, шүкштэй вэрлэд, емэнхэтлэд елдэ тэлдэйт. Щалта вошевн «Каркам ёш» немуп хэр вэл. Щата Маргарита Филипповна нявремэт ариты, якты па ёнтты, сэж кэрттэй вэндтэлэ. Елдэ тами киньща яма яха нётасман рэпитаты па вэлдаты!

Дэв ясцэл сухнум кэшэ Маргарита Филипповна дылдэн лыптийт па ишакты непек мойлуптас:

Елдэ емэнхэтла юхтум арсыр мир рэт ясцэндэдн арисэт па кашиб ёх дэв якдал ясцэт. Хэнты мир эвдэйт **Сергей Васильевич Кечимов** сэргхан щирн йис ар арийс. Ёмвошн «Югра лылнуптаты» тахийн кэшэ дэнкар хуягтэн Ульяна Данило па **Алексей Шесталов** емэнхэтл пята дэнки вошн каркама увас мир күтн кэпартты ёх мойлупсы непекэтн катлуптасэн. Сэргхан вошн культура вэртэй тэты нэ **Валентина Шадрина** мойлупсы Маргарита Филипповна па дэв пилала рэпиттэй шуши мира ишакты непекэт мэс. Емэнхэтла ёкайтшум мир етн олён худьева нюки хота мэлдэн хүд хошум юнц, хүлдэн нянь пида шай янштэй мянсэт. Ар ёх ёкмум тахия кавартты хүл хэнты ики Анатолий Аркадьевич Нертымов тэс.

Ульяна МОЛДАНОВА



Дэнки вош шуши ёх

У.Данилов/вэрдумхурцан

Шуши айдат ёхлүв хәрци

Мәнум номерән ма хәншум, хуты лыпәт хойты тылдыш 10-13-мит хәтләтн Советской район пүңдән вәлты «Окунёвские зори» нәмпү рүтүштәт тәхийн Югра мүв Ас-угорской айдат ёх VI-мит вән мирхота ақтәштәйләт. Щи пурайн тыв Сүмәтвош, Нуви сәңхум, Манстар, Ёмвош, Сәрханл, Нижневартовской, Советской районат, Югорск, Нижневартовск, Ёмвош, Сәрханл воштә па па хон пәләк Финляндия мүв Хельсинки вош эвәлт нялъяңкем айдат не па хә юхтыләс.

Вәйтантупсы нәмасыя «Ас-угорской айдат кәщая вәнләтәты хәр» (рүш щирн «Школа молодого лидера обских угров») альсы. Вантә, ияха ақтәшум апрән хуялтүв сыр-сыр нумсән вәрәт оләнән путәртсәт, арсыр проекттә хәншты вәнләтсәт, щәлта уша вәрсәт, муй щирн щиттәт әмща арталәтәт ёха вәнләтәты, лән грант нәтупсы вух ёша катлуптәты.

Акәщая вәнләтәты хәра нәмасыя Сәрханл университетн рәпитеттә кәтнән, щит Мехродж Ганиев па Людмила Горлова вохсыйнән. Тәм апрән хуятнән мүн эвилүва па пухлуба сыр-сыр нумсән па юнтән партупсәт мәсән, лән кашән хәннәхә нәмәлт еләм ѿн тайман әмща па хәрция ләштүм вәр вәнләтәты вәритәс. Вантә, ванкүтлә айдат ёхлүв щикүш әмаш нумсәт тайләт, тәп елемләт

па хуятата елпийн вәнләтәты.

Вәнләтәты хәр сухнум юпийн айдат шуши эвилүв па пухлуба йилуп нял проект ләштәт. Тывум утәт лыв Советской политехнической колледжән вулән арталәтәт ёха вәнләтсәт. Щит окргев губернатор ләнкәр хәя нәтты хә **Сергей Тимошков**, «Югра лылнуптәты» оса тәхи кәща не **Людмила Алфёрова**, Советской район кәща ләнкәр не **Людмила Носкова**, «Окунёвские зори» нәмпү рүтүштәт тәхи кәща хә **Виктор Вискунов** па Сәрханл университетн тәм одн етшуптәты кәтнән, щит **Мехродж Ганиев па Людмила Горлова** вәсәт. Лыв кашән вәр яма нүх вантәт, яма хәләнтәт па юхлы арсыр иньшәсүпсәт лупсәт, мосас ки, партупсәт ястәтсәт, лән кашән проект елды тәты щирн вәс.

Щиты оләнәттәт проект вәр **«Непекән айдат нә-хә»** (рүш щирн «Молодой специалист») нәм тайс. Тәм айдат ёх әхтыйн кәщая Ас-угорской айдат ёх оса тәхи кәща ләнкәр не **Марина Горшкова** вәс. Ияха нәтәсман щимәштәт вәр щи тыва. Лыв нумсәт щирн, тәм йис вәлупсыйн айдат ёх ѿн ләнхадәт ай кәртәтн, ай воштәт вәлтә па рәпитеттә. Вантә, ванкүтлә лыв ѿн вәләт, муй щирн велщи вәнләтум айдат хуят ай па вән кәртәтн нәтты, муй арат нәтупсы вухн мәләт па па мосты вәр оләнән. Щит пәта мүн айдат ёхлүв ләнхасәт сырья кашән кәрт кәща әвәлт иньшәстә, муйсәр айдат рәпитеттә лыведа мосл па мәта вух нәтупсәтн юхтум айдат хуят нәтты питлә. Щи тумпи Югра мүв луваттыйн кашән ўшкола, техникум, колледж, институт муй па университет ух хуята.

пила вәтаца йиты, лән уша паватты, муй арат эви па пух тәм одн ўшкола етшуптәл па хулта елды вәнләттәләт мәнлә. Ищиты колледж муй институт етшуптәттәт айдат ёх оләнән уша вәртә, ләнхадәттәт муй ѿн тәтә лыв ай кәртәтә мәнты, щата вәлты па рәпитеттә. Ќан ләнхадәттә, айкел тәты, муй щирн ай кәртәтн непекән айдат не муй хә нәтты питлә.

Кимит проект вәр **«Хәхәлдәт хә»** нәм тайс. Айдат ёх күтн кәщая тәта Сәрханл район Пим юхан хәннәттә әвәлт вәлтә йилуп щирн йис арат ариты айдат не **Вера Кондратьева** пирисы. Тәм нәнлүв па хәйлүв яснәт щирн, Югра мүвн вәлты иса мирант хәнты, вухаль па юрн ёхлүв йис вәлупсәл оләнән яма ат вәсәт. Щит пәта мәт сырья арсыр мирант шуши мир вән емәнхәттәтәт вәхтә мосл. Щит Вурна имев емәнхәттәл, Хүл па вой вәлтә ёх емәнхәттәл, Вүлдәйн наврәлтә ёх емәнхәттәл, Ай хопатн касты щир емәнхәттәл, Мүвтәл шуши мирант емәнхәттәл, Вурщик хәттәл, Югра мүввәт сәма питум



«Непекән айдат нә-хә» вәр оләнән путәртләт



Рәт яснәт вәнләтәты вәр ләрамтәт

НУМСАТ

хэтл па па увас ёхлув вэйтантупсэт. Вантэ, ияха вэйтантыйлмалн күтэлн арсыр вэрэйт олёнэн лэхсэнца путартты, шуши мир ёрашты касупсэт ванлтаты па щитаты касты щир вэл. Тэм вэрэйт хуват па мирайт мүн культураев олёнэн айльтыева уша паватлэт. Тэх пурайн хэннехэ ар ол мэр шуши мирлув күтн вэл, тэп нэмэлт нумас йис вэрлув олёнэн ан па тайл.

Xэлмит проект вэр «Так нумас тайты – щит вэн ёр» нэмн пунсы. Тэм тайхийн **Виктор Банк** айдат ёха нётасты хуята вэс. Айдат хуятат лэнхадэт, лэдн кашан увас хэннехэ лув правайлал па государственной нётупсэт олёнэн яма ат вэс. Щи мосты вэрэйт олёнэн арсыр айкелэт хуват паватты рахд. Интернетн вэлты сырсыр сайтэт, щи күтн «Youtube» хуша шуши мир вэлупсы, правайт па нётты щирэт олёнэн нух хэншты, лэдн кашан хэннехэ мосты вэр олёнэн щата лүнхтты веритас. Щалта немасяя буклет непек лэштты па ёсалты. Щи тумпи ёшколайн, колледжэн па институтн и хэтл лэштты. Щи хэтлан няврэмт муй па айдат ёх ияха ёкэтты па увас хэннехэ вэлупсы щирэт олёнэн айкел тэты мосл. Елды рэпата тэрүм пята тэты айдат эвет-пухэт ияха ёкэтты па юридической верата вэнлтаты, лэдн лыв елды па хуята щи олёнэн айкел тэты тэса ат веритас.

Югра мүв Ас-угорской айдат ёх VI-мит вэн мирхот сухнум

елпийн итэх айдат ёх пида пуртэмсум. Майнышссум, мэстэс муй ёнтэ дыведа тывум мирхот, муйсэр вэрэйт эмэш тэсэт, мата утэт па иса ан мосдэт, хутыса па одн тэмэш вэйтантупсы йилуп ширн лэштты.

Сэргэнд университет эвэлт юхтум кэтэн ястасчан. **Людмила Горлова:**

— Лыптай хойты тылдэш 10-13-мит хэтдэти ма шуши айдат ёх пида рэпитсум. Щит пята сырья пемашипа яснаат тэм вэйтантупсы лэштты хуята лупты лэнхадум, хуты май тыв вохсыюм. Увас айдат эвет па пухэт пята мүн арсыр юнтэн па нумсан касупсэт па партупсэт лэштасув. Вантэ, ванкулты ай кэртдэти вэлты айдат ёхлув щикүш эмэш нумсат тайлдэт, тэп елемдэт па хуятат елпийн ванлтаты. Щит пята мүн шенк тарынласув, лэдн тыв юхтум кашан эви па пух нэмэлт едем ан тайман эмца па хэршия лэштум вэр ванлтаты, сэм дыпийн тайты нумсат тэса ястай па елды вэлупсыйн мосты мир вэр па рэпата пириты веритас. Мосан, интэм итэх вэрэйт хулна уша ан вэрсэт, тэп ма нэмэслум, ешавэл уша паватлэт. Иньшасупсэт ётдэт ки, ма иса пурайн дыведа нётты веритлум. Щит пята, тынан увас айдат ёх, хэншаты, карты кел хуват путартаты, тэп инумасн даварт вэр түцматты веритлув.

Мехродж Ганиев:

— Югра мүв Ас-угорской айдат ёх VI-мит вэн мирхот шенк яма тывас. Мет эмэш мэнэма увас айдат ёх пида



Л. Алфёрова Михродж Ганиева па Людмила Горловая пемашипа яснаат лупл



«Так нумас тайты – щит вэн ёр» вэр альдэт



«Хэхэлтэй хэ» олёнэн айкел тэдэйт

вэтаца иити вэс. Ипш па щи уша вэрсэм, хуты увас айдат ёх вешкат, нумсанаат, сэмэнаат па ар вэр лыв лэштадэт. Ма шенк лэнхадум, лэдн па одн муй па па мирхотн ишти ат вэйтантыйлсув. Интэм па ма лэнхадум, лэдн шуши айдат ёх ям нумсат па вэрэйт елды ат тывсэт.

Ма щирэмн, Югра мүв Ас-угорской айдат ёх VI-мит вэн мирхот

яма лэштман вэс. Акташум увас айдат ёхлув күтн күш аправан, күш машя эвет па пухэт вэсэт. Нэмэслум, юхи юхтамалн лыв ишипа айдат ёха тэм мирхот олёнэн айкел тэты питдэт.

Елды тэм мирхот олёнэн па хэншты нэмэслум.

Ирина САМСОНОВА хэншас па хурат вэрэс

Ханты ясъң Кышик вошн тэл

Имултыйн лўң сўс ертәң хэтэлн ай Демаң юхан тый көртгэн Мушаң ёх хотн эвие сёма питас. Йилда юхтум нявлрема аедн-вэнэлн мурта амьтсат. Эвие ащедн Людмила нэмэн мэсэ. Ай эвие щащедн Татьяна Афанасьевна Лозяковайн мосман ёнмайлса. Одай иинтууп каталты вэнлтэйс. Тыва алтыва дын яха аканят ёнтыйлсәң. Щащедн ай вонышупн, ёнтас хирн, намытн вэрантса. Щимаш хурамаң пурмасат пэда вантман Людмила иши питас айтэлэн ёнтасты. Мет одай щащедн памытман ернас ёнтас.

Мушаң ёх хувь иистедэн вўльдет тайцаг. Щи пэта эвие юкан вўльдет сёма питмад вўш эвэлт тайц. Ая вэлмадн авкайт ёнмальтылдас. Щалта тэрум сўса йитыйн щащел пида вонышумут акаатман яха шэшийлсәң. Лўв щащел эвэлт арсыр йис пуртэрт, моньшат хэляс. Анкел Татьяна Ивановна, ащед Владимир Михайлович Лозяковнан — ар нявлрем ёнмальтум кэтнэн. Дын хэт нявлреме тайсәң. Людмила — вэн эви, апшидал ёнмальты нётас. Ай ёхдал иса вантыйлман тайсалдэ. Лыв ая вэлмедин вэн ёхдалн эмаш пэта юкан ай сесийн вэрантсайт. Щалта юкан ай пэнэт тайсайт.

Йис ханты вэлупсыйн ёнмум эви ипүш сўсн ёшколая интерната щи тэсы. Лўвела лупсайт:



Л.В. Дубровина

«Нэн щата лўнгатты, ханшты вэнлтэйлайн». Вэнт көртэң нявлрема сэры шенк лаварт вэс. Лўв юхи лаңхас. Етнэтн айлтыева нэмхуяян ён хэлты пэта хания холыйс. Тэлан ол шэп тэм эвие нюр ён пуртартас. Тэла ювумн, мув ёлумум кэмн ащед па ёнкел Кышик воша юхатсәң. Ин ай эвие мурта амтас, хутыса атэлт вэс, иса щи вэрлад пуртартсалдэ. Катнэл юпийн иса шэшидас па хэн дынты тэруптэты лаңхаслэ. Тэп ёнкедн ямсыева пуртартса па елды ар нявлрем лунум хотн вэлты щи пернэмэс. Ёшколайн мет мосман ханты ясъң урок тайсалдэ. Щирн Кышик вошн Елена Николаевна Спасеникова (Волдина) эвет па пухат рэт ясъңа вэнлтуман вэс. Лўв Людмила эвийн ёнки юкана

тэйса. Вантэ, ай эвие щата тэп пуртрана ювантас. Лўв иса нэмэсийс, па и муй пэта ханты нявлремэйт дын яснел ён вэлэл, юн па и муй вурн пуртартдайт?

Людмила ёшколайл етшумал юпийн елды Ёмвоши Югорской университета вэнлтэйлты вўянтас. Щата лўв нявлремэйт рэт ясъңа вэнлтэты вэр уша вэрэс. Щи юпийн июхлы Кышик воша ювантас. Ин ёшколайн ай ёх ханты ясъңа вэнлтуман Людмила Владимировна Молданова 11 од мэр рэпитл. Ая вэлмад тэлэн вэртрут пэда сэмэн не, 2017-мит одн «Учитель технологии» нэмуп ут етшуптас. Ин лўв нявлремэйт арсыр щирн шүкштэй вэнлтэлэ. Кышик ёшколайн «Мосум ханши» нэмуп хэр лэштас. Щата эвет, пухат сак кэртэлэйт, ёнтас. Щи тумпи Людмила ай ёха пуртартэл, муй вурн йис хэнтэт вўлден көртэн вэсэйт, муйсэр емэнхэтлэйт вэрантсайт. Тэм каркам ханты ими Мосум мув нявлремэта арсыр касупсэти рэт ясъңа пуртэрт ханшты, лўнгатты нётл. Щалта лўң мэр «Мосум нявлремэйт» рүтэштэй вэнт көртэн ай ёх пида рэпитл. Лўв щата вэнт шушийн эвет ханты ернас, түрлопсайт вэрты вэнлтэлэ. Лыв яха арсыр мув-авайт яснэйт рэт щирн уша вэрлэйт. Вэнт көртэлн пакты кемедн ханты ясъңа нявлремэйт пида пуртартдайт.

Нын щи вэлэн, каркам ханнэхэ кашаң тахия ёшл хойд. Людмила «Ханты ясъң» газетая ая вэлмад вўш эвэлт арсыр пуртэрт китийл. Ин лўв вэнлтэты нявлремдал хүшдэлэ рэт ясъңа айкедайт ханшты па газетая яха китдайт. Нявлремэйт вэнлтэты ёх емэнхэтл дэпн эвет, пухат ханты ясъңа вэнлтэты нэца лаңхалум вэн вўща ясъң китти. Ешак Людмила Владимировна! Анкиен миом тынэн рэт яснел кашаң нявлрем сёма пүнэ, йис арай, моньшан пуртэрв елды туве! Тэлан, яма хувь нэпайт вэла!

Ульяна
МОЛДАНОВА



Людмила Владимировна вэнлтэты нявлремэйт пида

Катра йисн хәнтэт күтн эвет, пухät лўнäтты па хәншты вәнлтäты ёх, алпа, аңтэм вәс. Иң Югра мўн хәнты мир күтн ар хуят учителя рәпитлät. Ма нынана Ирина Максимовна Молданова олänän хәншты ләнхалум. Лўв Ёмвош технолого-педагогической колледж хуша нявшемäт хәнты ясäна вәнлтуман рәпитл.



И.М. Молданова

Ирина путäртсäлэ, муй вўрн эвет, пухät вәнлтäты ненäа йиты нумäсн юхäтса:

— Ма ащем Максим Тимофеевич Молданов Нуви сäнхум районän Бўтвоши 41 од мäр äшколайн олänmit па ветмит класс нявшемäт вәнлтуман вәс. Щи пäта ая вәлмем вўш эвält ма щимäш нумäс вёrsум, хәнты хäтд ащем иты эви, пух вәнлтäты питлум. Немдем, ая вәл-мемн дәйндам омсäллум па щи вәнлтäлдам, щиты щи юнтийдсум. Эхат Амни вош äшколая питмемн ма литература урок шенк мосман тайсем. Щи вёра мўнты Татьяна Павловна Молданова вәнлтäс. Лўв тумпел теса кашäн сурт путäртыйлсäлэ. Ма щирн лыпи нумсемн учителя йиты вёра дäңматсум.

Ирина Молданова 2008-мит одн Ёмвошн Югорской университет етшуптäс. Лўв щата

нявшемäт рёт ясäна вәнлтäты вән непек ёша павтäс. Елды Ёмвош технолого-педагогической колледжан ай ёх хәнты ясäна, шўкщäты вёра вәнлтäты питäс. Щи тумпли лывела хәнты па вухаль мир поэтäт олänän ай павätl. Ирина Максимовна хуша янхлät щи нявшемäт, хуйтäт эви, пух рёт ясäна вәнлтäты ёха йиты дäңхалäт. Тыв юхäтты ай хуятäт арл пелäк хәнты ясäң ѣн тайлät. Щи пäта нюр йилда рёт ясäң вәнлтäлдäт. Щалта шуши мир вәлупсы, шўкщäты вेरäт вәнлтäты кеша ненасыя хәншум киникайт аңтэмäт. Щирн тাম айлат хәнты нение щи вёрата нявшемäт вәнлтäтал кеша непекат хәншäл. Лўв рёт ясäң теса уша вёрты пäта ненасыя «Родной язык (хантыйский)» немуп ут лэштäс.

Вәнлтäты нявшемäлдад рёт ясäңан вәлдляты ар-



Ирина Максимовна урок пурайн

Н. Рагимова вердум хурнан

Ащел иты эвет, пухät вәнлтäл

сыр кäсupsäta лэштäлэ. Лўв «Газпромнефть-Хантос» немуп ут мухты грант вухät ёша павтäс па айлат ёх кеша хәнты ясäңан әмäш вәнлтäйлты вёр «Юва» лэштäс. Щи ут унтасн эвет па пухät йис хәнты па вухаль мир вәлупсы олänän уша вёrsäт. Лыв нарасты сыйт, катра, муйсäр дëтутäт шуши мир лäвантäт, нух лерамтäт. Тäm «Юва» немуп вёр мухты ар студент па нявшем хәнтэт па вухаляят олänän уша вёrsäт.

Кашäң од тэнлуп тылäш 21-мит хäтäлн — рёт ясäң емäңхäтл. Щи вулäң хäтл дëпн Ирина Максимовна нявшемäт рёт ясäңан ариты, стихät путäртты етн хота «Югра лылдунтäты» тäхия лэштäйлдäлэ. Лўв арсыр вёрата күншемл, щиты 2011-мит одн «Наука. Образование. Проповедование» немуп ташäң ики Михаил Прохоров фонд кäсupsäyin Россия мўв луваттыйн «Академическая мо-

бильность» вёрн нух питäс. Щäлта 2014-мит одн лўв Югорской университета аспирантурая вўянтäс вәнлтäйлты. Щи пäта Молтан ёх эви арсыр нумсäң непекат хәнты ясäңат тывты олänän хәншäл. Югра мўн нявшемäт рёт ясäна вәнлтäты ёх кäсты хäрн Ирина Максимовна 2014-мит одн хäлмит тäхи вўша юхäтс. Дäңхалум лупты, Ирина Максимовна ащел Максим Тимофеевич учителя 41 од рәпитäс. Эвэл пидя нявшем вәнлтум олдän яха пунты ки, питл 50 од.

Басы мäнты тылäш 5-мит хäтäлн эви, пух вәнлтäты ёх вулäң емäңхäтл питл, ма дäңхалум тäm айлат ненäа вўща ясäң китты. Ирина Максимовна, нäң унтасэнан эвет, пухät рёт ясäна питлät. Вәлупсы хўват такасара шëша, ащен, ўнкен хäюм ям нумäс елды тўва. Най нэмман, Вэрт нэмман вәла!

Ульяна
ДАНИЛО

Хәнты Кайнов рәт эвәлт ими

Даңки воша яңхмәмн ма «Хәнты ясәң» газетаевн хәншты пәта хәнтэт кәншсүм. Маргарита Филипповна Заяц (Конева) рәт нәцием пида и хәнты ими хуша мойңа яңхсүмн. Щиты ма Людмила Прокопьевна Букаренова (Кайнова) пида вәтаңа йисум. Ин лўв одңаңн хәншлум.

Тәм хәнты ими Лемпино кәртән хәнты семьяйн сәма питәс. Щи тәхи сыры Сәрханл района луңман вәс, ин Нефтеюганской района йис. Лыв семьяедн яртъяң нявлрем вәс. Тәм одн мүң газетаевн лўв апщел Николай Прокопьевич Кайнов одәнән путәр хәншман вәс.

Людмила путәртәс: «Ма ван хәтгүп тылдәш 9-мит хәтлән 1956-мит одн вүт кәртәвн Прокопий Семёнович па Агреппина Сергеевна Кайновңан хотн сәма питсум. Ащем яйлам, апщилам пида хүл па вой велпәсләсәт, ўңкәм хот рәпаратайт верәс па мүңев өнмәлтәс. Мүң вүт кәртәв муҳтых ванкүтлы вўлды таштат воштыйт. Яма нәмдүм, хәнты вўлден ёх хотэва луцийлсәт, шай яңышман арсыр айке-дәт тәсәт, йис путрәт, моньшатт моньшсәт. Мүң, ай нявлремат, щикем моньшатт хәләннты сәмәңа тайсүв. Совхоз вәрум пурайн мүң Лемпино кәрта касалсүв. Щи пурайн хәнтета рәт щирн путәртты ўн рәхәс, вән хуялгүв тәп хәня ясәң тайсәт ки, шитама путәртсәт. Щит пәты мүң тәп шайкем ясәң тайлув. «Хәнты ясәң» газета юхтыйл, еша лўнгатлум, хур вантлум. Тәм ванән Николай апщем одәнән путәр шивалясум, щикем өмәш лўнгатты вәс. Итәх пурайн лўв ма хүщема мойңа юхтыл, итәх пурайн ма лўв хущада яңхлум. Лўв, вантә, ўңкәм-ащем вүт кәртән вәл, хўл, вой велпәсләл.



Лемпино кәртән Тәрум хот

хәя (экскаваторщика) вәнләтүләс па Вата кәрта рәпитетты юхтәс.

1985-мит одн айдат кätцән Даңки воша вәлтү касалсән. Тäта Людмила «Беларусь» па «Нефтяник» нәмпи культура хотнан кина аляс. Икел пида нял нявлрем тайсән, ширн еллы Людмила юлн пушхиет өнмәлтәс. Тәм семья ар шәк вантәс, хәлум нявлрем ӓнтәма йис, икел ар од мәшиштәс, хәлум ол юхлы пәрәс. Ин Людмила Прокопьевна Максим пухиел пида вәл, щиты тыштуман путәртәл: «Пухиел ДЦП мәш пида сәма питәс, ар од ямәлтыйлсүв, ин еша ямащи йис. Юлн вәнләтйил, хур хәншты вәр шенк мосман тайл. Рүш Тәрум емәң икет хурат тәса хәншәл. Макшум — щикем сәмәң па нявләк пухие. Краснодар вошн хиләм вәл, ванкүтлы пищмайт хәншәл».

Людмила Прокопьевна иши мәшишл, инвалид не, дыв хущада социальной рәпаратнекатт ванкүтлы юхтыйлдәт па мосты вәрәтн нёттәт. Пәльнициайн иши мосты пуртәнәтн мәлдайт. Макшум пухл пида «Реабилитационной центр» хуша ямәлтәти яххал.

Людмила Прокопьевна, вәна пелка ювум, мутрайң ёх емәңхатлд пида! Тәрум Ащев наңнаена ёр ат мәлд мәшән пухиен өнмәлтә. Тумтака хўв йис нәпәтт вәләтн!

Людмила
СПИРЯКОВА

Николай лўв саттәда вәр тайл. Лўв вүт кәртәла ванкүтлы па тәхет эвәлт мойң ёх юхтыйлдәт па вантләт, муй ширн хәнтэт вәлдәт». Л.П. Букаренова Лемпино кәрт одәнән иши ай тәс:

— Лемпино кәрт Салым юхан хонәңән омәсл. Мет сыры 1782-мит одн щи тәхи одәнән непекән хәншман вәс, щи пурайн Россия мүвевн Екатерина II хон имия вәс. Щи пурайн тәта хәс мултас Лемпинат па Мулнашеват хәнты рәттән ёх вәсәт. Тәм одн васы мәнты тылдәш 25-митн кәртәв 236 од постәты питл. 1934-мит од вүш эвәлт 1958-мит од вәнты Лемпино Салым воша луңман вәс, щәлта атәлт совет хот вәрсы. Лемпино кәрт пүңзәлн Милясоват, Рымоват, Мулнашеват, Совкунинат,

Соровскайт, Кинтусоват, Аламинат па Сивохребетской вүт кәртәт вәсәт.

Вудаң Отечественной ласть пурайн Лемпино па вүт кәртәт эвәлт 80 мултас хуят далясты мәнәс. Мүң рәтәв эвәлт икет иши вуракәт вошитсәт. 1995-мит одн Лемпино кәртән лалясум ёх нәмтү пәта кев хурас вәрсы, тәп щәтә 54 нәм хәншман вәл.

Лемпино кәртән Людмила нивл класс етшуптәс па имухты кина альты вәра вәнләтйилтәти пәта Тюмень воша мәнәс. Непекән эвие Вата кәрта рәпитетты китсү. Тäта Людмила икел Михаил Александрович Букаренов пида вәтаңа йис. Лўв Тюмень вош пүңзәлн сәма питәс, ащел — рүш ики — кулак иты щив китсү, ўңкел — белорус не. Михаил иши мүв хирты



О.А. Хоконина

Ольга Александровна 1989-мит одн Михайловка вошн Н.К. Крупской нэмпи педучилище етшуптäс. Щи юпийн ай наврэмät ўшколайн вэнлтäс. Щälta 2006-мит одн заочной щирн Воронежской области хуши Борисоглебской государственной педагогической институты историия вэнлтäты ненца йис.

Дүв мänема пуртäртäс, муй щирн нумäсн юхäтсы Нуви санхум района рэпитты мäнты: «Хэнты ма телевизор хўват айкелäт вантсум. Нуви санхум район кёща С.П. Маненков лупäс, хути лыведа наврэмät вэнлтäты хуятäт па тохтурат мослät. Щирн ма нумäсн юхäтсыю резюме непек хäншты, щив китсум. Товийн ма карты кел хўват тыв рэпитты вохсыю. Ма и од нэмäссум, па одн ўшкола кёщайн Софья Романовна Балашовайн Ваньшават кёрга рэпитты па щи вохсыю. Сүн 2010-мит одн тыв юхäтсум».

Ольга Александровна Югра мувев однан щиты пуртäртäл: «Сыры ма нэмäссум, Ёмвош Россия мувев кимäлн вэл. Хэн Нуви санхум

воша юхäтсум, уша вëрсем, щит европейской хурасуп ай вошие. Тата хурамäц мув, сүн Касум юхана ванттэмн сämem хошума йил, щи мурта вэнт хурамäц. Щälta ма уша павäтты питсум, тата шуши ёх вэлдлät — щит хэнтэт. Нина Васильевна Шабаршина мänема щи мир однан ар ясäн тэс, киникайт лүнäтты мäслэ. Эмаш, хути хэнты мир щимäш тащäн культуры, йис вэрät давдман тайдлät».

Ваньшават кёрга ўшкола малокомплектной нэм тайл, щирн ай наврэмät тэп кät учитель вэнлтäл. И хуят — 1 па 3 класснан, кимит хуят — 2 па 4 класснан. Ма иньшäссум, алла, лавärt имухты кät класснан урок тэты. Ольга Александровна щиты ястас: «Тата шимд наврэм, кашäц пушхие пида атэлта рэпитдум. Институты мүнты вэнлтäлät ар наврэмäц классын рэпитты. Щирн тата мёнцева, вэнлтäты хуятäта, мосл нэмäсты, хути лывёт вэнлтäты. Ма щирэмни, ар наврэм кёншäк вэнлтäты. Ма рүщ ясäн па математика урокнан ияха ён тэлум, дэлн наврэмät иилуп нумсät яма уша ат павäтсät. Па

Хэнты мир вэлупсы мосман тайл

Нуви санхум район Ваньшават кёрга 2010-мит од вүш эвэлт ай наврэмät вэнлтäты ненца Ольга Александровна Хоконина рэпитл. Дүв рэт мувэл — Волгоградской области Фролово вош. Там не — рүщ, тэп шуши мир йис вэрät мосман тайл.

урокайт ияха кät клас-
снан вэрдлум».

Мосл лупты, Ольга Александровна хэнты мир культуры мосман тайл, дүв однамит од вүш эвэлт наврэмät пида арсыр проекттэд дэштэйти пи-
тäс. Однайд лыв шуши мир дэтуута тоднан непек дэштэйти, наврэмät ёнкет-ашет эвэлт щи однан иньшäссät, щälta щи дэтуута вэр-
сät. Щи проект пида «Я — гражданин России» касупсыйн лыв Нуви санхум район хўват-
тыйн ай наврэмät күтн кимит тэхи холумсät. Щи юпийн лыв районной касупсыйн «Вурна хäтл» мэнхäтл однан хэншмелн паты однамит тэхи холум-
сät. Ольга Александровна лупл, хути лувэда ёнкет-ашет иши нётлät, щирн лыведа вэн пёмашипа лупл: «Мänема эмаш вант-
ты, хэн ёнкет-ашет хурамäц хэнты ерна-
сät дэмтэлуман щиколая мэнхäтлэта юх-
тыйлдät, лыв рэт мир йис вэрät яма давд-
ман тайдлät. Щимäш вэлупсы сыры ма ён вантсум».

Ольга Александровна лупл, хути Ваньшават кёрга юхäт-
малн дүв имухты вэл-
ты хотн мäсы, щит пä-
та вэн пёмашипа кё-
щаята лупл.

павтäс. Наврэмät пида щимäш проект иши вэрсät па ёшколайн Хутац морты мувэ кит-
ты мэнхäтл ванлтäсät, наврэмät ясäт, арисäт,
стихотворенияйт дү-
нäтсät.

О.А. Хоконина вүратл, дэлн наврэмät арсыр касупсытэн ат кассät. Кät-хэлум од юхлы Егор Гришкин рүщ, хэнты па английской яс-
нäт однан непек дэ-
штäс па Нуви санхум вош касупсыйн нух питäс.

Там эви пух вэнл-
тäты не пида пур-
тäртмемн ма уша версем,
щит каркам па ивуудап
ийилуп нумсät кэншты
не. Эмаш, хути Ваньшават ай кёрга тэхи холум-
сät. Наврэмät однан дүв щиты лупл: «Лыв мänем хэ-
лдäntlät. Муй верты вү-
ратлум, лыв щи вэр-
длät. Ин наврэмät па
щирн нумсät уша пун-
длät, вантэ, лыв интернет эвэлт сораашäк нум-
сät уша пундлät, кин-
никайт эвэлт па щиколай айлташäк».

Щи тумпи Ольга Хоконина лупл, хути Ваньшават кёрга юхäт-
малн дүв имухты вэл-
ты хотн мäсы, щит пä-
та вэн пёмашипа кё-
щаята лупл.

Надежда
РАГИМОВА
хэншäс па хур вэрäс

Чукоткайн мүвев давалман служитас

Макар Тимофеевич Новьюхов 1934-мет тэлн
Вощрэн ов куртэн сэма питэс. Ашэл Тимопей
Новьюхоп Вундрушка пэх, омел – Марья –
Алёшка Неттин ики эви.

Дын семьяедн нийлдэг няварэм сэма пи-
тылымал, худом хөятэлд айтэлн хонциспа кэши элтын ёнтуума ювмел. Щи пёрайн хотэтэн, мэйтэ, муйкем няварэм вулмэл, хэлдьеева ѹи юпийн хонциспа кэши элтын ёнтуума ювмел. Юхат, хун няварэмт привив-
кайн вертын питсайт, ипуляц няварэмт пэр-
тын ён питсайт. Макар па Апрам яйл, апшилд: Параскопъя, Буштан па Илья пэхэт сэма питсайт, щирн дылдана хэшсайт. Омел-ашел кутанан яма вулман, вой-хүлд тайман, няварэмлан рупитты, вун ёх ясэн хулантты вундтёман. Колхосат вером пёрайн ловдал-
мисдал колхоса вьюмэлт.

Дяль пёрайн ашел
дляя туса, Ленин-
град вошиналисас, щата
щи пэрратса, ёхи ёнт
ёхтэс. Няварэмт мэрта
шүкашсайт, мэрта лэлды
шушильялдас, мэрта
ишкийн потылдысайт. Щи
пёрайн хой семьяин и-кэт
няварэм тай-
мед па мис таём ёх, щи
семяйт ямашак вўл-
мэл. Макар семьяедн вет
ай няварэм омелн атэлт
энмэлтёмэлт. Щит шенк
даварт вўдмал. Щи тум-
пи па пираш ёнкацкел
ими дыв пилэлн вўл-
мэл. Шүк мэрта түвмел. Макар пёхие лэлды ёш-
колая ён мэнтэл, омел
давалтал, хун норма
нянь дапка элтын ёхи
түл. Омелн нянь пўлн
эвэлдьыты. Щи пўлыг
давамэтал па вохтал. Омелн вурайн ёшколая
щи китты. Пёхэл пель
ястата: «Пёхие, нянем
тэлданцэлн нэчена-ки
мэлдэм, ёхашак яен па
апшилдн муй дэлэт, тэм
нянь пўлыг тэлдан хэлтэл

кеши мэса». Щи юпийн
Макар пёхие вурайн
ши холдуман ёшколая
мэнтэл. Макар пёхие
айлал-апшилд пила
мэрта шүк дяль пёрайн
вантмел. Няварэмтэ
эномты мосас, дэты
дэлхасайт, туп эномты
щирн ёнтом вўс: дэлтэ-
лы муй щирн эномла.

Макар пёхие мулум
Няварэмэа энмэс, ар лүнгэл, яма вундтыйс. 4 класс етшуптэс, елды Сүмтвоша вундтаял-
ты ён мэнэс, яйл пилн велпэслэты питэс. Ап-
рам яйлан вундтэса түнцирина вой па хүл велпэслэты. Ешавул щи
верд шенк яма тыйты питэс. Армиян түты ел-
пийн нэ тус. Нэ вўс Юхан курт элтын – Сопья Васильевна Новьюхова. Савелий пёхийн сэма
питэс. Макар служитас погранвойскайт хөши Чукоткайн 1954-1957-
мет тэлдэн. Армиян машина түтлэти вундтэом. Макар Тимофеевич пётрэн хайнэху вус. Чу-
котка олэнэн ар умаш пётэр пётрэн яхса
служитом ёхдал олэнэн, Чукотка мүвн вулты ёх
олэнэн.

Армиян служитом
юпийн Ялоп Тэкн хотн мэса. Щи хотл инты
вёнты омэсл. Ин рува-
вана ёхтэс, 10-кем мет-
ра түп хэшс. Ин щата
вул Абрам ай пэхд. Макар
армия элтын ёхтэ-
мал юпийн колхозн
тракториста «Беларусь»
тракторэн рупитты
питэс. Юхат колхос торн
харн ловн торн сэвэр-
ман вўс. Колхосн хүл па
вой велпэслэс. Кашэн
пёрайн, хун велпэслэ-
ты элтын ёхи ёхтэл, омел
пётрэнтэс, муй щирн
вердал мэнсайт, муй

щирн вэхсар лүхн ёлта
нёхдэс, муй щирн вун
сух хопа нэх талсэллээ.

Кашэн рупатаялн
түнцирина, кар-
кама рупитэс. Лув хопе-
ла вурты вотвой тэхэр-
ман вус. Щи пёрайн, хий
мет ар хүл ведэл, кэсопсайн нэх питл,
лув хопд нёда вурты
вотвой сэнклэ. Лүнэн
хүл ведпэслэман хоп
нёл каталты, түна ло-
вальты щира нётты хэял
мосас. Макар нётты щира
олэнэн Лиза хилэн-
нэл тутглияс, ёхтэ па
вун пэхд, Саввайл, тут-
лэти питэс. Макар яма
арийс, ям тур сий тэяс,
ар ар вуйтэс. Макар
Тимопеевич шенк ар
лүнгэл, хэнты ясэнэн
рүш моньштэй ёхдала
яма пётрэнтэс.

Макар Тимопеевич
Мпа Сопья Василь-
евна дапаёт няварэм тай-
лыснэн. Щит Савва, Ал-
еша, пилац кэтэн Асвета
па Вания, айлал: Коля,
Валера па Апрам. Макар
Тимопеевич 1967-мет
тэлн ёнтома йис. Яма
рупитмал вурэн ар
ишак нэпекэнт мойли-
са, колхос элтын арсыр
мойлыпсайн мийлиса.
Ин лув няварэмдэл элтын
кэт хэял хэшс. Щит
Асвета эвэл па Апрам
похэл. Хилэт вўлдэл,
щит Коля, Марина, Вита-
лий, Катя, Каролина.
Хилдэл няварэмэнэ
иийсэйт: щит Оксана, Савва,
Диана, Щерки, Владик,
Күштэ, Вадим. Хилэт ел-
дэл опрашэл верэлт ат
тудэлт, ям вер ат верлэлт.
Щирн елды вулдэл
мэнл. Тэм хэншум
стихотворениям ляль
пёрайн энмэл няварэмт
олэнэн.

Дяль няварэмт

Дяль пёрайн энмэл ёх,
Дяль пёрайн вулдэл ёх.
Мэрта шүк нын щи
вантсайт,

Мэрта шүк нын щи
тусаты.

Ар пўш дэлдэй ийд
ольдийсты,
Сэмдан вохман
шушильйсты.

Арсыр верэлт нын
верылйсты,
Лялисти ёха
нётылйсты.

Ляля пурмэс, хошом сух,
Пос муй нуй вай
дэштэййлдэст.

Лялисти ёха
китылйилдэст,
Лудн мүвев давалты ёх,
Мүн хон пелкев
шавиты ёх,

Ёшдал, курдэл ар
потсайт,
Ямшак нёмсан ат
ёхтсайт,

Хошум хотлал ат
нумэлдэлдэл,
Тэпэн няварэмдэл ат
хултмэлдэл.

Ёхи давалтэт ат
хулдэлдэл.

Мосман тайтэт ат
вуйтлэлдэл.

Метшак така варэл
ат нюхэлдэл,
Мүвэва ён вохом ёх
воштэлдэл.

Вуйтлэв: ляль пёрайн
ай ёх
Вун ёх пилн вой-хүл
вэлдэл.

Потом йинкэн
сүс пёрайн
Няр күрн соёл иши
талсайт.

Хүлэт банкая пунты
юпийн,
Лялисти ёха щи китсайт.

Алпа, ляльн вулты ёх
Щи пёрайн
нумэлмийлдэл,
Нёмасдэл, моссан, щи

ёх мэнлэл:
«Моссан, тэм лэттэйт
китсайт,

Ёлн вулты ма
тэпийлдам!?

Щирн няварэмийн иши
Ляль пёрайн нэх
павтысты

Вун ёхтэя нётэпса версайт.
Даварт ляльн нэх щи
питсайт,

Варэл, атём ёх воштэсайт.

Зоя НОВЬЮХОВА

Киникайт дүнгэлтийн МОСД

Лыпят хойты тылдэш 12-14-мит хэгэлдэтийн Ёмвоши па Ёмвоши районэн вэн вэйтантупсы вэс. Тыв Москва хон вош эвэлт «Вэн киника – ай вошатн, кэртэгтийн вэйтантупсы» нэмпи вэр тэты ёх юхтыйлдэгт. Щит «Пушкинская библиотека» фонд ёх лэштэлдэгт.

12-митн Ёмвоши киникайт дүнгэлтийн хотн щи вэр тэты ёх пила вэйтантупсы вэс: Марина Новикова – «Вэн киника – ай вошатн, кэртэгтийн вэйтантупсы» вэр тэты не, «Пушкинская библиотека» фонд кэш; Елена Шубина – литературовед, киникайт ёсэлтэй вэр тэты не, «Вэн киника» премия мэты арталдэгт не; Майя Кучерская – писатель не, критик не, 2013-мит одн «Тётя Мотя» нэмпи киникайл пята «Вэн киника» премия ёша холумтум нэ. Мойц ёх айкедэгт ёкагтты ёхлүва щи вэн вэр олёнэн путэртэгт.

Марина Новикова лупац, «Вэн киника – ай вошатн, кэртэгтийн вэйтантупсы» вэр лэштэгтэй, лэлн мира тэмийис писателят олёнэн ай тэты. Лыв щи вэр яң од тэлдэгт. Щи арат од мэр Россия мөв арсыр вошата, кэртэгтия яңхсэгт, ёх ёх пила вэйтантуйлдэгт. Югра мөввэва ведши юхтэгт.

Мойц ёх өмэш вэр олёнэн ай тэсэгт. Ипүш Василий Шукшин мөвя яңхсэгт, щати ар хуягт путэрт хэншлэгт. Кэртэн ёх тэлан хэтл хэншум путэрлэд тэсэгт, щирн мойц ёха щитэгт дүнгэлтийн мосас. Кэртэн мир нэмэслэдт, Василий Шукшин хэншэгт па вэтацаа йис.

ВЭЯТН ЩИ ОЛЁНЭН

«Вэн киника» – щит Россия мөв литературной премия. Мет ям киника пята мэлдэг. Олёнэмит тэхи холумтум писатель – 3 миллион, кимит тэхи пята – 1,5 миллион, хэдмит тэхи пята – и миллион шойт вухн мойлуптэлдэгт.



М. Новикова Е. Айпин пила вэтацаа йис

«Мысленный волк», «Душа моя Павел» па па киникайт хэншэгт. Енх дүв пидэла вэйтантупсы вэс. Дүв ай тэс, хуты художественной киникайт хэншты вэр тумпий лүв па писателят вэлупсы олёнэн киникайт хэншэлд. Щиты Михаил Пришвин, Александр Грин, Алексей Толстой па па хуягт олёнэн непекэгт ёсдэг. А. Варламов лупац: «Манема шенк өмэш вэтаан ёх олёнэн хэншты, вантэ, итэх ёх олёнэн хулна арсыр айкедэгт хэшсэгт, манема уша верты мосл, щит яна муйропаах».

А.Н. Варламов «Молодая гвардия» непек ёсэлтэй тэхи ёх пила рэпитл, щаты «Затонувший ковчег» киникайл ёсэлдэг.

Манум тылдэш 14-мит хэтлэн мойц ёх Ярки па Шапша кэртэнэ яңхсэгт па алмир пила вэйтантуйлдэгт. Майя Кучерская лупац, муй щирн дүв «Тётя Мотя», «Бог дождя» па «Приходские истории» путэрлэд хэншэгт. Мойц ёха өмэш вэс уша верты, муй щирн Ярки кэртэн мир вэлдэгт. Вантэ, лыв күтэлн хэнтэй Увас мөввэва наратамлы китум ёх няярэмдэл вэлдэгт.

Мойц ёх ай тэсэгт, каашэн од мэт ям киника хэншум ёха «Вэн киника» премия мэлдэг, щирн щи непекэгт дүнгэлтийн мосл.

Ёмвоши мойц ёх айдат хуягт киникайт хэншты вэнлтэсэгт. Майя Кучерская лывела ай путэрт хэншты партас, щалта ияха лүнгэгтэгт па имухты ювра хэншум утгат түнматсэгт.

Людмила СПИРЯКОВА

дыв ищи тэса хэншты хошлэгт. **Майя Кучерская** ястэг: «Мүн пятаева мөввэв хүват яңхты вэр – щит мэт мосты вэр, вантэ, ин Югра мөвя юхтсум, Дэнэлд ас хуща вантлум, шуши мир летут лэлум – щикэм ям нумсэгт юхтэгт. Мурманск воша яңхмөм юпийн «Плач по уехавшей учительнице» путрем тываас».

Иньшэгсэ, муй щирн тэмийис арсыр киникайт эвэлт ям киника пирити? Юхлы мойц ёх лупсэгт, «Москва» нэмпи сайт хуща мэт ям киникайт олёнэн хэншман вэл, литературной премия холумтум киникайт пирити па тэп-тэп дүнгэлтийн олднитсэн ки – мэстэгт – дүнгэгт!

Тэмийис йилуп писателят тывсэгт –

Лыпят хойты тылдэш 13-мит хэтлэн мойц хуягт айдат вэнлтэйлэгт ёх пила вэйтантуйлдэгт, вантэ, итэх пухэт, эзэт ищи киникайт хэншты олднитсэгт, щирн лывела шенк өмэш вэс вэтаан писателят пила путэртты, мулдты вэрэгт олёнэн иньшэгсэгт.

Щи хэтлэн вэтаан писатель хэ **Алексей Варламов** юхтэг, дүв

ЯМ ХАННЕХЭ ВЭТШАСЭВ

Лыптэй хойты тылдэш 23-мит хэтлэн хүв панта мэнэс округевн вэтац хэнты хө, мир педа иса пурайн сэмэна вэлум хяннехэ Юрий Григорьевич Кондин. Щит хэнты миров пята вэн шэк.

Юрий Григорьевич Микояновской район Соуслан кэртэн 1949-мит одн ай кер тылдэш 6-мит хэтлэн вэн хэнты семьяйн сёма питэс. Ащел — Григорий Никифорович Кондин, ёнцел — Елизавета Петровна Кондина (Юмина). Дын вой-хүл велпэслуман вэсэнэн. Юрий Григорьевич Полнавайт вош ёшколайн вэнлтылдэс. Яртъян ода ювмалн ёнцел ёнтэма йис. Ширн, алпа, лүв ёшколайн тэп даптэ класс етшуптэс па рэпитты питэс. Вэнтэн нуви түт мэты карты келэт вэрэс, рүш щирн «монтёр-линейщик» хуята вэс. Щи тумпи лүввой па хүл велпэслэс, ащела юх эвэлт арсыр пурмасэт вэрты нётэс. Ащел вэрэл лүв вэлупсы хуват тэслэ. Щалта щи вэр пухлала мэсдээ. Щиты Юрий Григорьевич 1969-мит од вэнты вэс па рэпитэс. Ащел ёнтэма ювмал юпийн лүв елды Пулчавайт воша вэнлтийлты мэнэс, училище етшуптуулан рулевой моториста йис. Щи пурайн лүв Любовь Иосифовна Серасхова пида вэтаца йис. 1971-мит одн дын ияха Ёмвоша юхт-сэнэн.

Тэата Юрий Григорьевич хүл велты, дэшгэлти па щи эвэлт арсыр дэтуутайт вэрты комбината рэпитты вүсү. Щи тэхийн лүв 22 од мэр рэпитэс. Однадан «Консервщик» нэмпү катерэн рулевой моториста рэпитэс, округев хуваттыйн яххэс. Эхэт одэтн «машинист



холодильных установок» хуята вэс. Щит рэпата пэлы сэмэц па ям хяннехэ вэс. Щи вэр кэща ёх вэйтсэйт, щирн Юрий Кондин яма па тэса рэпитмал пяты ар пүш ишээк непекэн, вухэн па тынанц мойлупсэнтн масы. Хүл велты комбинатн ишакты сохалн лүв нэмэлд хэншман вэс. Щи тумпи лүв «Победитель соцсоревнования 1978-1979 годов» мевл посан катлуптасы. Тэм хэнты хө кэт пүш «Городской совет народных депутатов» тэхия депутаты пирисы. Щата вэлман мир яма вэлты пята ар нүш түнматэс.

1993-мит одн Ёмвошн хүл велты па дэшгэлти комбинат лэп тэхэрсү. Щи юпийн Юрий Кондин шуши мир вэрэлтээ тэты комитета рэпитты вүсү, однамит одэтн специалиста вэс, 2003-мит одн щи тэхи кэщая паватсы. Лүв хэнты па вухаль ёх вэрэлт, арсыр нүшайт түнматман рэпитэс. Щирн Ёмвошн вэлты шуши ёх яма вэлэт щи ям щирэн, хяннехэйт пэлы сэмэц, вешкат, нумсэн хяннехэ. Хэн щи тэхи лэп велпэслуман яххэс.

тэхэрсү, Юрий Григорьевич Ёмвош администрацийн шуши мир вэрэлтээ тэты хуята рэпитэс. 2011-мит од Ас хэлты тылдэн лүв пенсия мэнэс.

Одн рүтүшуман Юрий Григорьевич вэрды иса ён омсэс. Вантэ, лүв айтэлн шуши мир велпэс пурмасэт тэса вэрэс, ащелн вэнлтийс. Лүв Ёмвошн «Торум Мaa» йис пурмасэт шавиты тэхия ар пүш семинарта вохантсы. Щата лүв па хуята ванлтылдэс, хутыса мосл велпэс пурмасэт вэрты. Щи вэрэлтээ лүв пухдал ищи вэнлтийс. Щи тумпи тэм хэнты ики вой-хүл велпэслэлти вэр педа ищи айтэлн сэмэна вэс. Лүв пухдал пила тэл муй па лүн пурайн Дэнэла хүл велпэслуман яххэс.

«Хэнты ясц» па «Луима сэрипос» газетайнан рэпитты ёх шалдан ясцэт китлэйт лүв имела Любовь Иосифовна Кондиная, пухлала па иса рэт ёхдала. Щи мосты па тынанц хяннехэ веккэши нэмты питлүв.

**Ханты ясанг
(Хантыское слово)
№19 (3511), 04.10.2018**

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Брио директора –
Кондина Г.Р.
Телефон (3467) 33-22-72

Заместитель главного
редактора – **Вах Н.И.**
Телефон (3467) 33-24-02

Ответственный секретарь –
Рагимова Н.В.
Телефон (3467) 33-24-02

Адрес редакции и издателя:

628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru

Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул.Маяковского, 14.

Индексы **04393, 54393**

Тираж **2166** экз.
Заказ **3890**
Цена свободная

Газета
зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по

Тюменской области,
ХМАО-Югре и ЯНАО.

Свидетельство о регистрации
ПИ №ТУ 72-00796
от 23 января 2013 г.

Мнение авторов
публикаций не
обязательно отражает
точку зрения
редакции.